

教育部人文社會科學重點研究基地重大項目《巴蜀文獻集成》

〔清〕劉沅 著

槐軒全書

八

（增補本）

教育部省屬高校人文社會科學重點研究基地

四川師範大學巴蜀文化研究中心
四川師範大學文學院

學術叢書

〔清〕劉沅 著

槐軒全書

八

玄孫奇晉恭署



四川出版集團 巴蜀書社

图书在版编目(CIP)数据

槐轩全书. 8 / (清)刘沅著. —成都:巴蜀书社,
2006

ISBN 7-80659-858-8

I. 槐… II. 刘… III. 刘沅(1768~1855) - 哲
学思想 - 文集 IV. B249.9-53

中国版本图书馆 CIP 数据核字(2006)第 049316 号

槐轩全书(8)

清·刘沅 著

策划编辑	施 维
责任编辑	胡新农 况正兵 施 维
装帧设计	任兆祥
出 版	四川出版集团巴蜀书社 成都市槐树街2号 邮编 610031 总编室电话:(028)86259397
网 址	www.bsbook.com
发 行	巴蜀书社 发行科电话:(028)86259422 86259423
经 销	新华书店
印 刷	成都东江印务有限公司
版 本	2006 年 9 月第 1 版
版 次	2006 年 9 月第 1 次印刷
成品尺寸	290mm×210mm
印 张	28
字 数	4000 千字
书 号	ISBN 7-80659-858-8/B·155
定 价	3500.00 元(全套)

本书如有印装质量问题,请与工厂调换

史存卷十九

漢紀

雙江劉 沅甫輯

顯宗孝明皇帝

諱莊光武太子也初名陽陰后所生在位十八年壽四十八諡法照臨四方曰明

戊午永平元年春正月朝原陵

帝率公卿以下朝於原陵如元會儀帝拜神坐退坐東廂侍衛皆在神坐後太官上食太常奏樂郡國上計吏以次前當神軒占其郡穀價及民所疾苦是後遂以爲常

史存

卷十九 漢紀 明皇帝永平

一 西充鮮于氏特園藏

書法

古無墓祭以其墓而不墳無宮室寢殿之屬若祭則爲野合又當時廟制甚嚴且備時享薦新禴禘蒸嘗禮文周洽原不必之墓而祭後世禮制不興人民散處墓皆爲墳且無定所士庶人無廟者多四時享祭一盂一飯稽首而已於是

有展墓之文或有故或無故不時省墓而奠祭焉此亦子孫之宜至於國家陵寢形魄所歸豈容不重有事謁陵必當享祭亦禮所不禁前人拘守古禮謂帝朝原陵爲非誤矣第光武二月崩三月葬則喪葬之禮必不能備而乃汲汲朝

陵豈不知禮者羣臣之過而切思墓者帝人子

之良乎人君言動必可爲法原陵近在咫尺固可常朝儻其地遠又將如何且令郡國計吏當軒占穀價及民所疾苦是其朝也希冀福蔭非誠有哀慕不忘之衷君子不能不慨息焉況又以爲常典乎

夏五月高密元侯鄧禹卒

禹年十三能誦詩與光武同學於長安年雖幼而知光武非常人遂相親附數年歸家及漢兵起更始立多薦舉禹禹不肯從北渡見光武於

史存

卷十九 漢紀 明皇帝永平

二 西充鮮于氏特園藏

鄴年二十四封爲鄼侯食邑萬戶禹事母至孝卒年五十七諡曰元

東海恭王彊薨

彊病上遣使者大醫乘驛視疾絡繹不絕詔沛王輔濟南王康淮陽王延詣魯省視戊寅彊薨臨終上書謝恩言身天命孤弱復爲皇太后陛下憂慮誠悲誠慙息政小人也猥當襲臣後必非所以全利之也願還東海郡今天下新罹大憂惟陛下加供養皇太后數進御餐帝覽書悲慟從太后出幸津門亭發哀贈送以殊禮詔楚

王英趙王栩北海王興及京師親戚皆會葬帝追惟疆謙儉不欲厚葬以違其意特詔遣送之物務從約省以彰王卓爾獨行之志將作大匠留起陵廟謚曰恭

書

特書薨賢之也人倫之變雖聖人無如何惟在我有以處之孔子之繫明夷也曰內堅貞文明柔順以蒙大難凡五倫難處之事果忠孝誠敬用晦而明無不可以善全東海王謙敬自居上而父母下而昆弟俱加恩禮無有閒言可以爲後世法矣

史存

卷九

漢紀 明皇帝永平

三

西充鮮于氏特圖藏

秋七月馬武大敗羌戎

武擊燒當羌大破之餘皆解散

遼東太守祭彤大敗烏桓罷緣邊屯兵

彤使偏何討赤山烏桓大破之斬其魁帥塞外

震讐西自武威東盡玄菟皆來內附乃悉罷緣

邊屯兵

書

表其官以予彤也凡鄰邊守牧果能德威兼至內安百姓外擾夷裔如彤國家省無許勞費

東平王蒼獻禮儀

蒼以爲中興三十餘年宜修禮樂乃與公卿議

定南北郊冠冕車服制度及光武廟登歌八佾舞數上之

書

美之亦惜之禮樂豈以爲文而已哉愛敬之心誠於中而以此將之蒼知禮樂當修而所上特儀文而已蓋當時孔孟之學罕有傳人故特以儀文器數爲禮樂儀文器數非可無也然必誠意正心修身以清其源乃可施諸政事道一而風同

好時愍侯耿弇卒

好時縣名屬右扶風

謚法在國遭憂曰愍時國有大喪以愍謚弇言

史存

卷十九

漢紀 明皇帝永平

四

西充鮮于氏特圖藏

其與國同戚也

己未二年春正月宗祀光武帝于明堂帝始服冕玉登

靈臺望雲物

帝采古禮始冠冕玉佩以行事宗祀尊而事之

左氏傳曰分至啟閉必書雲物觀氣色災變以

察妖祥預爲之備歲正月旦旦至食爲麥食至

日昃爲稷昃至晡爲黍晡至下晡爲菽下晡至

日入爲麻各以其時用雲色占種所宜帝特一

登觀而已

三月臨辟雍行大射禮

冬十月臨雍行養老禮

帝幸辟雍以李躬爲三老桓榮爲五更服都紵大袍冠進賢扶玉杖帝坐東廂使安車迎之於講堂天子迎於門屏交禮道自阼階三老升自賓階至階天子揖如禮三老升東面三公設几九卿正履天子親袒割牲執醬而饋執爵而醕祝饌在前祝噎在後五更南面三公進供禮亦如之禮畢引桓榮及弟子升堂上自爲下說諸儒執經問難於前冠帶縉紳之人圓橋門而觀聽者蓋億萬計於是下詔賜榮爵關內侯三老

史存

卷十九

漢紀 明皇帝永平

五

西充鮮于氏特園藏

五更皆以二千石祿養終厥身賜天下三老人酒一石肉四十斤上自爲太子受尚書於桓榮及卽位猶尊以師禮嘗幸太常府令榮坐東面設几杖會百官及榮門生數百人親自執業諸生或避位發難上謙曰太師在是旣罷悉以太官供具賜榮家榮每疾病帝輒使存問太官太醫相望於道及篤上疏謝恩還爵土帝幸其家問起居入街下車擁經而前撫榮垂涕賜以牀茵帷帳刀劍衣被良久乃去自是諸侯將軍大夫問疾者不敢復乘車到門皆拜牀下榮卒帝

變服臨喪送葬賜冢塋於首山之陽子郁當嗣讓其兄子汎帝不許郁乃受封而悉以租入與之帝以郁爲侍中

李躬梓潼人上自爲下說句舊云帝自爲下講說陳仁錫

書

美崇文也帝修明古禮崇重師保以勵天下誠

爲盛舉惜無孔孟之流遭時展布不能使仁義中正之學遍行天下也桓榮儒雅雍容帝少而受業觀帝所行則榮亦不爲無功毋容刻以相

史存

卷十九

漢紀 明皇帝永平

六

西充鮮于氏特園藏

繩疵議之也
初遣中山王焉就國

上以中山王焉郭太后少子太后尤愛之故諸王就國獨留之至是始就國賜以虎賁官騎獨得往來京師帝待陰郭每事必均數受賞賜恩寵俱渥

書

焉郭后愛子帝尤寵異之可不謂賢乎舜之於

象也欲其源源而來中山獨得往來京師亦庶幾矣

甲子帝如長安十一月甲申使以中牢祠蕭何霍光

式其墓癸卯至自長安

書法子念勳臣也

竇林繫獄死竇融乞休許之

林融從兄子爲護羌校尉時羌滇吾叛滇岸來降林奏以岸爲大豪後滇吾復降林又奏其爲第一豪帝怪其一種兩豪窮詰知其欺罔林又嘗爲涼州刺史或奏其臧罪遂下獄死時竇氏一公兩侯三公主四二千石自祖及孫官府邸第相望親戚功臣中莫比及林誅詔責融融恐乞骸骨詔令歸第養病

史存

卷十九 漢紀 明皇帝永平

七

西充鮮于氏特園藏

書法去林官罪之書許融休錄帝之寬也

南單于汗死單于比之子適立爲醯僮尸逐侯鞬單于

庚申三年春三月

立貴人馬氏爲皇后子烜爲皇太子

后援之小女光武時選入太子宮事陰后接同列禮則修備上下安之遂見寵異及帝卽位爲貴人后前母姊女賈氏亦以選入生皇子烜帝以后無子命養之謂曰人未必當自生子但患愛養不至耳后盡心撫育勞悴過於所生太子

亦孝性淳篤母子慈愛始終無纖介之間后常

以皇嗣未廣薦達左右若恐不及後宮有進見者每加慰納若數所寵引輒加隆遇及有司奏立長秋宮帝未有所言太后曰馬貴人德冠後宮卽其人也后既正位愈自謙肅好讀書常衣大練裙不加緣朔望諸姬主朝請望見后袍衣疎麤以爲綺縠就視乃笑后曰此繒特宜染色故用之耳羣臣奏事有難平者帝數以試后后輒分辨趣理各得其情然未嘗以家私干政事由是寵敬始終無衰焉初援卒于軍梁松竇固等譖之家益失勢數爲權貴侵侮從兄嚴憂憤上書願以援女配諸王因選入能誦易好讀春秋楚辭尤善周官董仲舒書帝嘗幸離宮后輒以風邪霧露爲戒帝幸濯龍中召諸才人下邳王以下皆在請呼皇后帝笑曰是家志不在樂雖來無歡楚獄連年不斷后慮其濫爲帝言之多所降宥

史存

卷十九 漢紀 明皇帝永平

八

西充鮮于氏特園藏

書法錄賢后也地道無成而有終古聖王莫不有賢

妃人倫之本王化之原不可不慎也先儒斥后妃干政然專柄不可成夫之美豈可以無帝言

人未必當自生子患愛養不至后撫皇子勞悴過於所生薦達嬪御惟恐不及宮闈之事不可以爲天下後世法乎惜帝拘於牝雞之誚未使后得進其長輔帝所不及愚故備論之

圖功臣於雲臺馬援不與

帝思中興功臣乃圖畫二十八將於南宮雲臺首鄧禹次馬成吳漢王梁賈復陳俊耿弇杜茂寇恂傅俊岑彭堅鐔馮異王霸朱祐任光祭遵李忠景丹萬修蓋延邳彤鮪期劉植耿純臧宮馬武劉隆又益以王常李通竇融卓茂合三十

史存

卷十九

漢紀明皇帝永平

九

西充鮮于氏特圖藏

二人馬援以椒房之親獨不與焉

書

胡致堂言馬援功不下諸人乃以后戚不與本

欲示公於天下不知乃所以爲私義不當隱者聖人猶自敘其績其論允當故書以戒後世

純皇帝曰雲臺圖畫皆中興佐命之臣然其中竟有功績未著而得厠名者萬修劉植等是也世徒以不入馬援爲因椒房之親然當時若鄧晨之首從南陽來歙之捐軀隴右曾不得與王常李通竇預增益之數又豈皆以戚屬故耶則當時之旌表實有不服人心者矣臣愚謹案萬修

劉植或史臣之失鄧晨來歙得蒙

聖諭及之當銜感於無既矣

夏六月丁卯有星孛于天船北

大陵八星在胃北北九星曰天船一曰舟

星所以濟不通也天漢西南行絡大陵天船卷舌而南行

爲北宮鍾離意諫而休

意字子阿會稽山陰人少爲郡督郵亭長有受人財禮者府將考之意言於太守令略小過舉孝廉辟大司徒侯霸府掾詔送徒河內冬寒徒病不能行意爲徒作衣以狀聞帝謂霸曰君所使掾何乃仁於用心誠良吏也明帝卽位徵爲

史存

卷十九

漢紀明皇帝永平

十

西充鮮于氏特圖藏

尙書交趾太守坐贓千金伏法詔以其贓物班賜羣臣意得珠璣委地而不拜帝怪問其故對曰臣聞孔子忍渴於盜泉曾參回車於勝母惡其名此臧穢之寶誠不敢拜帝嗟歎曰清乎尙書之言更賜庫錢三十萬轉意爲尙書僕射帝數幸廣成苑意諫卽時還宮至是帝大起北宮時大旱意詣闕免冠上疏言天旱陛下憂念元元避殿自責而比日密雲遂無大潤昔成湯遭旱以六事自責竊見北宮大作人失農時自古非苦宮室小狹但患人不安寧宜罷止以應天

史存

卷九

漢紀 明皇帝永平

士

西充鮮于氏特圖藏

心臣以匹夫之才比受厚賜喜懼相半不勝愚
意征營罪當萬死帝報曰湯引六事咎在一人
其冠履勿謝即勅大匠止作諸宮減省不急遂
應時澍雨焉意薦全椒長劉平政有恩惠徵拜
議郎帝性褊察好以耳目隱發爲明公卿大臣
數被詆毀近臣至見提曳常以事怒郎藥崧以
杖撞之崧先入牀下帝怒甚疾言曰郎出郎出
崧曰天子穆穆諸侯皇皇未聞人君自起撞郎
帝乃赦之時羣臣爭爲嚴切以避誅責唯意獨
敢諫爭數封還詔書會連有變異意上疏言陛
下憂恤黎元而天氣未和寒暑違節咎在羣臣
以苛刻爲俗百官無相親之心百姓無雍雍之
志百姓可以德勝難以力服鹿鳴之詩必言晏
樂者以人神之心洽然後天氣和也願垂聖德
緩刑罰順時氣以調陰陽帝雖不能用然知其
至誠亦以此故不得久留出爲魯相出私錢萬
三千付戶曹孔訢修夫子車身入廟拭几席劍
履男子張伯除堂下草土中得玉璧七枚懷其
一以六枚白意令主簿安置几前孔子教授堂
下有懸甕召訢問之對曰夫子甕也昔有丹書

史存

卷十九

漢紀 明皇帝永平

三

西充鮮于氏特圖藏

人莫敢發意發之得素書文曰後世修吾書董
仲舒護吾車拭吾履發吾笥會稽鍾離意璧有
七張伯懷其一卽召問伯果服焉後德陽殿成
百官大會帝曰鍾離尙書若在此殿不立視事
五年以愛利爲化民多殷富以久病卒上書陳
升平之世難以急化宜少寬假帝感傷其意下
詔嗟歎賜錢二十萬

書

不書鍾離意無以見帝從諫之美及意之賢也

張伯懷璧事或以爲誣不知前知者術數之常
況至誠如神者乎但人心危微一念聖狂攸分
若以前定限人則君親師教化之權竟爲無用
故聖人不貴前知特世運衰亂大道將湮如秦
火暴虐聖教幾廢孔門諸賢爲此以詔將來使
知尊崇聖學爲大道憂天下而然非同私逞巧
慧惑世誣民之流不可一概混而譏也

大水

秋八月壬申晦日有食之

詔曰昔楚莊無災以致戒懼魯哀禍大天不降
譴今之動變儻尙可救有司勉思厥職以匡無
德

冬十月甲子帝奉皇太后如章陵戊辰至自章陵

荊州刺史郭賀官有殊政上賜以三公之服櫛
徽冕旒敕行部去檐帷使百姓見其容服以彰
有德

辛酉四年春正月

帝閱城第將遂校獵河內東平王蒼諫不果

東平漢國名取

禹貢有東原底平之義即春秋須句國也後爲濟東國歷朝沿革不一明爲東平州屬兗州府

帝近出觀覽城第欲遂校獵河內東平王蒼上

書諫帝即還宮

書法美從諫也舊史書不至而還然帝實未嘗發特

史存

卷十九

漢紀 明皇帝永平

三

西充鮮于氏特圖藏

將行耳故易之書蒼亦以賢蒼

冬梁松死于獄

陵鄉侯梁松怨望懸飛書誹謗下獄死初上爲

太子太中大夫鄭興子眾以通經知名太子及

山陽王荆因梁松以嫌帛請之眾曰太子儲君

無外交之義漢有舊防藩王不宜私通賓客松

曰長者意不可逆眾曰犯禁觸罪不如守正而

死及松敗賓客多坐之唯眾不染於辭

書法去其官罪也

于寘攻莎車殺賢及其子不居徵

莎車王賢逼奪于寘大宛媽塞國使將守之于

寘人殺其將君德立休莫霸爲王賢率兵擊之

敗績逃還休莫霸進圍莎車中流矢死于寘人

復立其兄子廣德爲王廣德使其弟仁攻賢廣

德父先拘在莎車賢歸其父以女妻之廣德復

攻莎車誘賢殺之并其國匈奴發兵圍于寘廣

德請降匈奴立賢質子不居徵爲莎車王廣德

又攻殺之更立其弟齊黎爲莎車王

書法北塞爲漢近寇故書其事以備考舊史謂書以

病不當許莎車王賢都護陳仁錫謂爲漢快皆

史存

卷十九

漢紀 明皇帝永平

四

西充鮮于氏特圖藏

非也

壬戌五年春正月

二月驃騎大將軍東平王蒼歸國

蒼自以至親輔政聲望日重意不自安累上疏

言漢興宗室子弟無得在公卿位者乞上驃騎

將軍印綬退就藩國辭甚懇切帝乃許蒼還國

而不聽上將軍印綬

書法子蒼亦病帝也蒼有志行觀其言爲善最樂則

平日居心制行可想特以漢制無藩王輔政意

不自安帝當專心委任且令廣進賢才則蒼必

盡心匡輔何乃聽其歸國周召非至親乎

冬十一月北匈奴寇五原雲中南單于禦卻之

安豐侯竇融卒

融年老子孫多縱誕不法長子穆尙內黃公主
矯稱陰太后詔令六安侯劉盱去其妻而以女
妻之盱婦家上書言狀帝大怒盡免穆等官諸
竇爲郎吏者皆將家屬歸故郡獨留融京師融
尋卒後數歲穆等復坐事與勳宣皆下獄死久
之詔還融夫人與小孫一人居雒陽

書融忠順故書而無以善教子孫甚矣全德之難

史存

卷十九 漢紀 明皇帝永平

五

西充鮮于氏特園藏

也

癸亥六年春正月

二月禁章奏浮詞

王雒山出寶鼎獻之夏四月詔曰祥瑞以應有
德方今政化多僻何以致茲易曰鼎象三公豈
公卿奉職得其理邪其賜三公帛五十匹九卿
二千石半之先帝詔書禁上事言聖而閒者章
奏頗多浮辭自今若有過稱虛譽抑而不省不
爲諂子畫也

甲子七年春正月癸卯皇太后陰氏崩

北單于求合市許之

北匈奴猶盛數寇邊遣使求合市上冀其交通
不復爲寇許之

書法書許志帝恤民也王者中外一家但使不爲寇

盜保境息民合市何害但恐藉以爲奸則不可
耳

以宋均爲尙書令

均初爲九江守五日一聽事悉省掾史閉督郵
府內屬縣無事百姓安業九江舊多虎暴常募
設檻穽而猶多傷害均告屬縣曰江淮之有猛

史存

卷十九 漢紀 明皇帝永平

六

西充鮮于氏特園藏

獸猶北土之有雛豚也爲害咎在殘吏而勞張
捕非憂恤之本其務退姦貪思進忠善可一去
檻穽其後無復虎患帝聞均名故任以樞機均
謂人曰國家喜文法廉吏以爲足以止姦也然
文吏習爲欺慢而廉吏清在一己無益百姓均
欲叩頭爭之時未可也久將自苦之乃可言耳
未及言遷司隸校尉後上聞其言追善之
書法書虎至暴也猶可去惡用善以止之況人而不可
化乎其言其言毋以爲妄而置之

乙丑八年春正月

越騎司馬鄭眾使于北匈奴歸置度遼將軍

眾至北匈奴單于欲令眾拜眾不屈圍守之不
與水火眾拔刀自誓單于恐而止乃更發使隨
眾還京師初大司農耿國言宜置度遼將軍屯
五原以防南匈奴逃亡朝廷不從南匈奴須卜
骨都侯等知漢與北交使內懷嫌怨欲畔密使
人告北虜以兵迎之鄭眾出塞疑有異伺候果
得須卜使人乃上言宜置大將以防其交通由
是置度遼將軍以吳棠爲之屯五原曼柏

史存

卷十九

漢紀明皇帝永平

七

西充鮮于氏特圖藏

于以招徠并包之意而未能然故南單于生隙
非鄭眾則遂成豐隙矣

秋十四郡國大水

冬十月成北宮

法書前因鍾離意諫而止今何以復成之北宮舊有
非不可爲早則不可今閱五年而後成可以無
譏也

許有罪亡命詣度遼營自贖

法書舊史云死罪繫囚然罪有輕重概許詣邊自贖
則非也恐當時未必如此含混若罪有可贖使

立功自贖則可故不從舊史

楚王英奉縑紈以自贖弗納

初帝聞西域有神其名曰佛使之天竺求得其
書及沙門以來而王公貴人獨楚王英先好之
至是英奉黃縑白紈詣國相曰託在藩輔過惡
累積願以此贖愆罪國相以聞詔報曰楚王誦
黃老之微言尙浮屠之仁慈潔齊三月與神爲
誓何嫌何疑當有悔吝其還贖以助伊蒲塞桑
門之盛饌

史存

卷十九

漢紀明皇帝永平

六

西充鮮于氏特圖藏

其不許英請則帝未嘗佞佛其聞彼地有神求
其書與沙門一觀亦不爲大非既得其書與沙
門未嘗重之好之則不得遂以爲罪且佛之興
也不始於帝也秦時沙門室利房等至始皇以
爲異囚之夜有金人破戶以出漢武帝時霍去
病過焉支山得休屠王祭天金人以歸置之甘
泉宮金人者浮屠所祠今佛像卽其遺法也哀
帝時博士弟子秦景憲使月氏使伊存口授浮
屠經中土未之信迨明帝夜夢金人飛行殿庭
以問於朝傅毅以佛對帝使中郎蔡愔等至天

竺求之得佛經四十二章釋迦立像併與沙門攝騰竺法蘭東還是中國知有佛久矣蓋嘗考之天下至大四域至廣中國不過彈丸無地無人亦無人非天之赤子天不能不生明智以作之君師孔子曰不如諸夏之亡欲居九夷孟子以舜與文王爲東夷西夷之人而曰得志行乎中國若合符節蓋凡爲人卽同此天命之性非中國始有聖人外域遂無聖人也特中國自義農以來經眾聖人之教數千年而其制已備外域則不能然然其間一二明達之士自正其心

史存

卷十九

漢紀明皇帝永平

九

西充鮮于氏特圖藏

以訓化人民歸嚮之亦理之恒無足怪者因中華禮義衰微末學務於功利愚民無知以爲聖人之教不過如是聞佛慈悲廣大清淨虛無喜而效之君上又不明其所以然於是漸次廣布出家棄親斷臂割肉種種怪妄興矣然慈悲者仁廣大者量清淨者私欲淨盡虛無者寂然不動非外聖人而別有奇異西域去中國萬有餘里使中國聖道修明彼亦安得從而亂之秦政暴虐室利房等始至蓋亦有道之士見其殘暴來欲化之金人破戶使生其信然秦政非可化

之人也自晉以降信佛者始多而唐爲甚其時寺舍已繁僻嗜尤眾韓子倡言闢之可謂救時良藥然不能深知其真贋詳考其由來故闢佛而佛彌盛夫道一理而已天地止此一理如大路然必當由之故曰道佛之明心見性吾儒所謂盡心知性真空不空妙有不有謂陰陽互爲其宅虛無清淨則存養之時至靜至虛中庸所謂致中也其他語之可解者大都不出於心性之理司馬溫公云其高者不出吾道之範圍其誕者吾不之信足以明之矣而吾徒猶與之爭

史存

卷十九

漢紀明皇帝永平

三

西充鮮于氏特圖藏

則曰必廢人倫不知佛未嘗廢人倫也妻曰耶輸陀子曰摩睺羅年十八生子十九往檀特山中養靜十二年妻子復完聚年八十二卒何嘗以出家棄親爲教其無人倫者四裔禮義不周隨處多有之西方之出家學佛而謬者也中華之僧流出家皆無告之民藉以養生前所謂大養濟院也貧窮難濟窮困無依國家因而位置生全亦權宜之一法若必如昌黎之言人其人火其書廬其居必人人皆有恒產皆從事於大學中庸此豈一朝一夕可以轉移

乎是故佛之實人罕知之而佞佛者務虛誕闢佛者昧源流甚至惡慈悲而故爲不仁惡清淨而競爲浮浪以虛無爲諱而任其心之憧憧不知養其心於穆穆則竝吾儒存心養性立命事天之學亦莫得其嚮方矣至於佛書經翻譯而多失其真歷代庸妄僧流附會增竄一切神奇詭誕之說皆非佛之本來孟子曰經正則庶民興仁義中正之道人人踐行何慮有佛亦何必斤斤與佛爭辨哉

壬寅晦日有食之詔羣司極言復以示百官

史存

卷十九

漢紀 明皇帝永平

三

西充鮮于氏特圖藏

詔羣司勉修職事極言無諱於是在位者皆上封事各言得失帝覽章深自引咎以所上班示百官曰羣臣所言皆朕之過民冤不能理吏黠不能禁而輕用民力繕修宮宇出入無節喜怒過差永覽前戒悚然兢懼徒恐薄德久而致怠耳

書法因日食而自知戒懼難矣詔羣司極言無諱又以宣示於人帝之賢明若此非所罕觀乎宜綱目深美之也

以鄭眾爲軍司馬

北匈奴雖遣使入貢而寇鈔不息邊城晝閉帝議報其使者鄭眾上疏言北單于所以要致漢使者欲以離南單于之眾堅三十六國之心又揚漢和親誇示鄰敵令西域歸化也漢使旣到便偃蹇自信若復遣使虜必自謂得謀如是南庭動搖烏桓有離心矣南單于久居漢地具知形勢萬一離析旋爲邊害今幸有度遼之眾揚威北垂雖勿報答不敢爲患帝不從復遣眾往眾言臣前奉使不拜匈奴今復銜命必見陵折帝不聽眾不得已旣行在路連上書固爭之詔

史存

卷十九

漢紀 明皇帝永平

三

西充鮮于氏特圖藏

切責眾追還繫廷尉會赦歸家其後帝見匈奴來者聞眾與單于爭禮之狀乃復詔眾爲軍司馬

丙寅九年春正月

夏四月詔司隸刺史歲考長吏殿最以聞

杜佑曰後漢十三州部司隸長吏謂大縣令以下詔歲上長吏視事三歲已上治狀尤異者各一人與計偕上尤不治者亦以聞

書法三載考績古人遺法但必大吏賢明公正斯黜陟允當可以勸勵耳

大有年

法書有年易大有年難國以民爲本故有年聖人必書之先儒以春秋桓宣之書有年爲譏鑿矣帝是時政治清明則可見時和年豐非無因而致匈奴遣子入學

帝崇尚儒學自皇太子諸侯王及大臣子弟功臣子孫莫不受經又爲外戚樊氏郭氏陰氏馬氏諸子立學於南宮號四姓小侯置五經師選高能以授其業自期門羽林之士悉令通孝經章句匈奴亦遣子入學

史存

卷十九

漢紀 明皇帝永平

三

西充鮮于氏特園藏

法書美文治也帝崇尚儒學而當時儒臣能知誠正修齊之道者甚希實爲可歎蓋聖經所言莫非心性倫常之道意誠心正而後身可以修若徒紬繹字義駁辨異同乃考據之學故經義聚訟書籍繁蕪而明明德致中和鮮實踐者未自得於身心則經典皆爲具文耳

丁卯十年春正月

二月廣陵荆自殺國廢

廣陵王荆呼相工謂曰我貌類先帝先帝三十得天下我今亦三十可起兵未相者詣吏告之

荆惶恐自繫獄帝加恩不考極其事詔不得臣屬吏民唯食租如故使相中尉謹宿衛之荆又使巫祭祀祝詛樊儵等治其獄事竟奏請誅荆帝怒曰諸卿以我弟故欲誅之卽我子卿等敢爾邪儵對曰天下者高帝天下非陛下之天下也春秋之義君親無將將而必誅臣等以荆屬託母弟陛下惻隱故敢請耳如令陛下子臣等專誅而已帝歎息善之儵宏之子也

法書不書王罪之也帝之仁可美也而猶恨處之未盡其道也不分以土留之京師選名儒授受告

史存

卷十九

漢紀 明皇帝永平

三

西充鮮于氏特園藏

以君臣長幼忠敬之道而又多近正人則可以漸摩而化不至上憂太后下絕嗣爵

夏四月帝如南陽祠章陵及舊宅作雅樂以燕賓冬十二月至自南陽

上幸南陽祠章陵日北至又祠舊宅禮畢召校官弟子作雅樂奏鹿鳴帝自奏埴篥和之以娛嘉賓還幸南頓十二月還宮

法書詳書志禮之變也展墓而祭本非古禮然時異世殊子孫去邱墓遠展墓而致敬未嘗不可至天子先墓有寢殿尤可行禮不得以其非古而

概譏之至作雅樂以燕羣臣不於朝廷之上而於陵墓之旁則非

以丁鴻為侍中

初陵陽侯丁綝卒子鴻當襲封上書稱病讓國於弟盛不報既葬乃挂衰經於家廬而逃去友人九江鮑駿遇鴻於東海讓之曰昔伯夷吳札亂世權行故得申其志耳春秋之義不以家事廢王事今子以兄弟私恩而絕父不滅之基可乎鴻感悟垂涕乃還就國鮑駿因上書薦鴻經學上以為侍中

史存

卷十九

漢紀 明皇帝永平

壬

西充鮮于氏特園藏

戊辰十有一年春正月

東平王蒼來朝歸賜列侯印十九于其子

東平王蒼與諸王俱朝月餘還國帝臨送歸宮悽然懷思乃手詔賜東平傅曰辭別之後獨坐不樂因就車歸伏軾而吟瞻望永懷實勞我心誦及采菽以增歎息曰者問東平王處家何等最樂王言為善最樂其言甚大副是要腹矣今送列侯印十九枚諸王子年五歲已上能趨拜者皆令帶之

書法志王之賢惜帝知賢而不能用于王言為善最

樂非念念事事皆在於善久而安焉其能知善之樂乎帝與王相見別後猶懷恩不忘則王必有感帝於不覺者使帝任以鈞衡進退百官必大有裨益惜乎其不能也年五歲以上皆帶侯印亦殊恩而不如展王之才為妙也

己十有二年春正月

哀牢內附以其地為縣

哀牢古國名本西徼外地居牢山絕域荒外山川阻深去

維陽七千里其夷九隆種也漢武帝於此置不韋縣明帝時其王內附置哀牢縣尋改永昌郡統不韋哀牢博南等八縣歷朝皆為永昌元陞為府明因之

哀牢王柳貌率其民五萬餘戶內附以其地置

史存

卷十九

漢紀 明皇帝永平

壬

西充鮮于氏特園藏

哀牢博南二縣始通博南山度蘭倉水行者苦

之歌曰漢德廣開不賓度蘭倉為它人

按華陽國志曰

博南西山高三十里越之得蘭倉水有金沙洗取融為金則蘭倉即金沙江也蘭倉蘭滄同

夏四月修汴隄

初平帝時河汴決壞久而不修建武十年光武欲修之浚儀令樂俊言民新被兵未宜興役乃止其後汴渠東侵日月彌廣百姓怨嗟會有薦樂浪王景能治水者詔發卒數十萬遣景與將作謁者王吳修汴渠隄自滎陽東至千乘海口千餘里十里立一水門令更相澗注無復潰漏

之患景雖簡省役費然猶以百億計焉

庚午十有三年春正月

夏四月汴渠成帝巡視之而還

河沐隄決汴水東侵而與河合今隄成則河東

北入海汴東南入泗辛巳帝幸滎陽巡行河渠

遂度河登太行幸上黨壬寅還宮

書法書巡視重河務也治河非易得其人則工固而

費省不得其人則百病叢生故以帝之巡視爲

是而不書其登太行幸上黨

冬十月壬辰晦日有食之

史存

卷十九 漢紀 明皇帝永平

三

西充鮮于氏特圖藏

廢楚王英徙之于丹陽

英與方士作金龜玉鶴刻文字爲符瑞男子燕

廣告英與漁陽王平等造作圖書有逆謀案驗

有司奏英大逆請誅之帝以親親不忍廢英徙

丹陽涇縣賜湯沐邑五百戶男女爲侯主者食

邑如故英母許太后勿上璽綬留住楚宮先是

有私以英謀告司徒虞延者延不然其言及英

敗詔切讓延延自殺

書法書以爲世戒也英信佛而實不明佛理前以緋

帛自贖罪誤認佛布施懺悔之說也布施不過

惠愛之意懺悔罪遷善非謂有罪者誦經禮

拜卽可以解既而又信佛瑞是又誤認作佛登

天堂之說以爲稍一自修卽來佛利不知作佛

猶言成人登天堂猶言夕死可也凡佞佛之徒

大半皆如此妄想所以賈禍吾儒有爲善修德

而遂欲求榮達者其妄亦同不知修德於身以

全天命之性始不愧爲人耳爲忠臣爲孝子爲

義士仁人或窮或達有益於世教無愧於君親

生爲不可少之人死有不磨滅之氣無論聖賢

仙佛義止如斯何世人不察生許多怪誕以壞

史存

卷十九 漢紀 明皇帝永平

三

西充鮮于氏特圖藏

人倫佛而有知亦必罪之矣奈世俗相沿謂聖

賢之外必有仙佛反以愚比而同之爲誣也奈

何

辛未十有四年春正月

劉英至丹陽自殺坐死徙者千數

英自殺詔以侯禮葬於涇封燕廣爲折姦侯窮

治英黨相連坐死徙者千數而繫獄者尙數千

人初樊儵弟鮪爲子求英女儵止之鮪不從及

英敗儵已卒上念儵謹恪其諸子皆得不坐英

陰疏天下名士上得其錄有吳郡太守尹興名